

广东通志

广东通志

廣東通志卷二百四十六

甲子重刊

宦績錄十六

明五

魏宗

王器

方佐

聶好謙

沈琮

吳中

林泮

袁癭

曹琚

鍾文傑

胡鳳

曹達

謝彬

戴科

周啟祥

余自怡

嚴起恆

俱廣州府知府

章璽

沈尙經

程默

解立敬

姚生文

俱廣州府同知

周鎔

余志

劉瓘

俱廣州府通判

朱伯驥

莫子麟

廣州府推官

董應舉

廣州府教授

熊瓚

蔣昇

傅應祥

鄭汝舟

沈應乾

周文卿

王循

朱欽相

蔣棻

姚奇允

俱南海縣知縣

葉光

南海縣主簿

袁吉

南海教諭

鍾勛

道同

童謨

高瑤

徐志

王澄

唐湊

沈思孝

傅慶貽

張國維

俱番禺縣知縣

唐同

番禺縣丞

陸昌期

番禺巡檢

周亶

婁璿

楊昂

曾仲魁

袁鉞

胡友信

葉初春

方學龍

倪尙忠

黃金貴

周齊曾

俱順德縣知縣

吳孟謙順德縣丞

王時中順德縣教諭

畢瑄

詹勛

王仁

王世榮

盧秉安

陳寧

陳墀

李性

林功懋

孫學古

舒應龍

林啓

董裕

楊寅秋

胡繼美

李模

林明順

俱東莞縣知縣

郭郁鄰

歐陽州

俱東莞縣丞

方維翰

莊禮

林有年

俱東莞縣教諭

明

魏宗延平縣人由監生洪武三十二年爲廣州府知府臨民御下不怒而威務舉大綱不理細故深得守牧之道至今人頌之

黃志

王器字汝器吳江人永樂初任廣州通判爲政疾惡如讐凡所施措民不敢欺郡之廢墜多所修舉以廉能稱十年陞知本府未幾丁憂去吏民送者塞途服除改知瓊州廉謹有爲政聲益著

同上

方佐字用輔鄞縣人永樂戊子舉人正統改元少傅楊溥薦陞廣州知府振肅綱紀百度維新以例

入觀卒於顓

浙江通志

聶好謙字用義豐城人登進士正統十年以刑部郎中出知廣州凡政有益于民者不顧利害爲之決獄平恕時新會斗洞山民嘯聚藩臬檄好謙往撫之諭以禍福賊皆感泣歸款十四年黃寇越獄聚衆攻城城中人衆食寡好謙恐其生變卽白藩臬發倉賑之或持不可好謙曰擅發倉廩其罪猶小若民飢生變禍不可測事始大耳與布政戴弁卒發之全活者甚衆是年冬以疾卒民傷之都御史楊信民詩哭之曰平生兩行淚深爲越人傾

黃志

沈琮字公禮嘉興人正統壬戌進士授南京兵部

武庫司主事旣而進官爲夔州知府改重慶皆以
喪不赴最後得廣州廣州嶺南劇郡中使者求珠
大將軍治軍旅適又旁午其間事有甚難而琮處
之裕如其於興學校美俗化勸農弭盜亦爲它郡
最比去民遮畱相泣而別

獻徵錄

吳中字時中樂平人進士天順五年任東莞令將
三載百廢備舉巡撫都御史葉盛薦守惠州去任
日士民爲立遺愛碑後一月東莞賊起都御史韓
雍檄中擒捕中馳至下令出首能相捕獲者免其
罪復以十家爲甲出入相調禍患相保婚葬相助
一家有事九家連坐旬日渠魁斯得雍喜其能復

畱中巡視海道守增江口控扼盜賊中至卽編戶
爲甲各漁其海遇賊舟則尾至其地賊以其漁不
忌也旣得其實卽遣人捕之不閱月賊亦屏息越
六月雍以更賢育民事例奏改中知廣州府以興
學校勸農桑均徭役恤窮困爲己任廨宇壇壝城
池學舍爲之一新又延肇慶府學教授王文鳳編
輯廣州志甫成以憂去

黃志

林泮字用養閩縣人成化壬辰進士授南京大理
寺評事泮陞寺正盡心庶獄陞廣州知府府治省
會吏奸訟繁泮處之若無事例有堂食一不染指
嘗過厓山門有石刻元丞相伯顏滅宋於此泮改

刻宋太傅樞密使張世傑死節於此凡郡之忠義
貞節多所表異郡有藍漢諸山洞蠻時方猖獗泮
承檄以兵入其穴擒斬渠帥因圖地形會總兵盡
屠之又豐湖堡十三村民皆爲盜拒敵泮至其地
諭降之戊午陞廣西參政正德戊辰官至戶部尙
書劉瑾用事遂致仕泮厯官三十七年俸資外一
毫無取歸之日貧甚視之坦然不少憂憤云

獻徵錄

袁熾字景暉慈谿人辛丑聯捷進士觀政工曹旣
授南京兵部主事轉員外郎改郎中會廣州守缺
遂擢知廣州州爲嶺南大郡前守多以賄敗熾至
教令一新興仆舉墜晨吏抱文案魚貫以進指摘

奸蠹須臾而盡吏受案去噤不敢語廣民喜告訐
悉召訊之立得其是非狀皆匍匐悔罪由是訟日
少人弗敢欺性度簡易悉以嘻笑集事然不肯習
諛媚爲可否其所經畫苟自信卽上官欲撓之不
可得廣城控引諸番際大海雖物貨阜繁而中有
隱憂嫌爲繕治城郭操練兵卒時戒不虞衆或迂
之其後有佛郎機之變人始服其先識郡屬如新
寧等邑半爲盜區嫌曰是未易以恩信撫也謀之
督府次第舉兵誅其渠魁始寢懼而自戢尤善理
冤獄先是有龍游人王姓者與其甥同貨于廣甥
被無俚子掠其貨殺而沈于江王訟之御史下府

理官鞫其事反坐王以罪嫌廉知其寃蹤跡之得
刼殺者置於法又有旅客爲人謀殺分其屍復密
遣伺獲其人乃嘗與爲仇者亦正其罪治稱神明
以卓異薦晉從三品俸視事如故正德初考滿適
逆瑾欲以順天府丞予嫌冀得金嫌曰京兆丞顧
可以賄得哉忤其意遂致政去士民攀送載路思
之不忘

曹琚字仲玉桂陽人宏治丙辰進士觀吏部政進
署虞衡員外郎戊辰外擢廣州府知府時中官有
奉命查盤者勢灼甚或勸折節免禍琚不聽每事
裁抑之乃欲重盤郡庫以洩憾琚抗言不從旋亦

畏沮終不能加害濱海田產螾蜥害稼民養鴨飼之稱便總督陳金議復鴨埠之舊以充軍餉檄琚規畫之巡行七邑每發集官吏於庭檢行李示之乃行及還亦如之嘗行番禺道中有後山殘民自言被誣爲盜喘息且死乞招撫延旦夕卽上其事于總督招之得男婦數百人而後山盜日靖廣商例納給引錢舊多自私琚以五分爲率貯其三於庫備賑濟二以爲公用農民例納紙價琚曰是教之以貪也罷之派辦料物解京者舊攬於豪猾每侵尅不完琚勾稽加懲且令州縣擇均徭之殷實者領焉當道以爲宜至今爲例有林氏夫遠出死

莫知其由繼姑訟其妻妾三人成獄琚廉知其寃指曰此一人有子奚亦同謀邪矧訟出繼姑必誣也出之又有同父弟死於溺爲其生母所訟者巡按委琚勘不俟宿一鞠之得其情蓋謀實出於壻也一郡稱神明有民年七十矣取財以訟嚇得罪則以老免琚罪其子以示懲訐告之風漸革惠潮諸郡用兵琚奉檄供軍旅事會連山猺發又議討之琚謂兵力不可分遂下令撫猺猺皆聽命而惠潮之寇亦平他如禁張燈以正民俗躬送牲以肅祀事教生徒行鄉飲皆人以爲迂而琚力行之然持法不撓卒爲當路所陰中辛未調廣西梧州守

士民爭送之百里外

俱同上

鍾文傑字邦臣長汀人宏治壬戌進士正德壬申爲廣州知府威儀豐偉德器深重上下皆敬愛之勤於爲政剖斷如流人不敢干以私總督太監潘忠遇之無狀一日褫其衣冠將撲之文傑舉止自如曰昔官郎署時亦曾爲內府所禮豈知有今日忠遽釋之於風教事尤留意勤劬得疾卒於官

黃志

胡鳳黃梅人嘉靖十七年進士知廣州清白自厲

前掌郡者多奢侈庫役月費數百金鳳嚴汰之曰坐堂皇理民事決斷如流率皆平允至今民稱其

廉惠

郝志

曹達太倉州人以進士爲御史抗疏謫外嘉靖甲辰厯知廣州性剛直潔已愛民而方于事上爲直指使者所齟齬不少變節人多其廉介後來知府事者皆不及民益思之

同上

謝彬字文華海澄人嘉靖甲辰進士爲南京戶部

郎中出知廣州決滯無數

福建通志

操持廉潔珠貝犀

象一無所取人比之王僧孺

八閩採風錄

時惠潮當瓊

盜賊蜂起倭又勾連爲患督府殷正茂檄調兵卒

分布水陸要害處所立定章程命守巡官畫地責

効而以各副使總核其功罪倭寇則以總兵官張

元勳參政江一麟專其事一切軍儲糧食兵械仰